



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

I. Dies Octobris. Quid Angeli de his, quæ scienda sunt nesciunt, qui scientem omnia, sciunt?

**urn:nbn:de:hbz:466:1-45477**

Octob.

hoc momento accipis, ex infinito amore Dei procedenti? Sic ergo statue secuturi mensis tempore, uti, ut totum illius spatium, sit tibi ad meritorum cumulum. Solve citò, sine procrastinatione, quæ Deo debes, nomina. Quia:

*Si citò non solvis, te magno crimine volvis.*

## I. DIES OCTOBRIS.

Quid Angeli de his, quæ scienda sunt, nesciunt, qui scientem omnia, sciunt? *Gregorius l. 2. Moral.*

Angelus I.  
Custos.

**D**UO hujus mensis principium, à quo Deus cæpit creandi principium, ab Angelo. Erit enim hic mensis tibi ad salutem auspiciatissimus, si sub Angeli tui Tutelaris exigas auspiciis. Quamprimùm Deus Angelos procreavit, simul quibuidam ex iis revelavit fore, ut certo tempore, certi homines illorum tutelæ essent in terris committendi. Nec enim poterant hoc nescire, qui scientem omnia sciebant. O quantum quilibet Angelus inter cœlestes illas, quibus circumfluebant, delicias, anhelabat ad illud sæculum, & illius sæculi annum, & illius anni mensem, & illius mensis diem, quo erat ille nasciturus, cujus ipse curam erat suscepturus! Tandem post multa sæculorum volumina, adest sæculum illis optatissimum, nobis fortunatissimum, quo illi nostrorum curam cæperunt gerere, nos sub illorum tutela cœpimus vivere. Jam lucebat dies nobis natalis, qui illis semper fuerat

Ccc s

in



in votis. Et ecce, eodem momento, quo nos egressi sumus de matris utero, ipsi descenderunt de caelo Empyreo. Vix ergo fueras natus, & ecce adest tibi Angelus ad latus. Visâ jam tam nobili Animâ, gratulatur de impositâ à Deo sibi provinciâ. Oculatur, diffaviatur, amplexatur in corpore infantili matrem. Orditur mox Tutelaris præsidis officium, promittit omne obsequium.

II. Hic ergo dictum puta illud Davidici metri :  
 (a) *Angelis suis Deus mandavit de te, ut custodiant te in omnibus viis suis.* Angelis suis tam præstantibus spiritibus, aulæ suæ ministris, Majestatis suæ ephoribus, familiæ suæ œconomis, militiæ suæ antesignanis, mandavit, non tantum, quod amici est, commendavit, sed quod Domini, mandavit, *de te.* Mandavit tam nobili Genio, de te tam humili vermiculo, *ut custodiat te.* Quidquid habet in intellectu perspicacitatis, in voluntate bonitatis, in viribus roboris, hoc totum impendit, ut te custodiat. Itaque, si quis unquam fuerit bonus, ad bonum motus in voluntate; Si quæ rara illustratio in Intellectu; si quæ Divina inspiratio in mente; si ardor cœlestis in corde; si verecundia in fronte; si quies in conscientia; si exultatio in spiritu; agnosce, esse beneficium cœlestis illius Spiritus. Verbo complectar omnia: si dixero, Angelus tui beneficio te effugere omnia corporis, & Animæ mala, consequi omnia utriusque bona. Ille tibi semper, & ubique individuus est socius, vitæ tuæ totius testis, ipse oculatus singulorum factorum speculator.

III. Itaque, ut illum prosequaris officiis, qui te sibi

(a) *Psal. 90. II.*



Octob.

sibi tot obligavit beneficiis, unum, alterumque officii genus suggero. In primis ipsum diem tibi natalium illius amori, & obsequio totum consecra. In promptu est causa; quia illa est ipsissima dies, qua propter te, & propter tuam salutem, Angelus descendit de caelo, ut tibi hinc adsisteret in terris: illa die te suscepit in suum clientem, cum promisso nunquam te deserendi, nisi assequeris tuam salutem. Quid igitur ages illa die, ut post Angeli tot beneficia, sis gratus tuo benefactori? Primum pervigilio illius diei, jejunio, aut alia corporis maceratione, testare, quod benè sit corpori, illius deberi custodiæ. Corpus ergò hætenus præservatum, in honorem Angeli præservantis, aliquid patiat. Qui verò præter corpus, & animum servavit: ipso die expiatum sacra exomologesi, & Divino epulo passum, illi offer. De Herode, monstro illo hominis, scribit Evangelista: (a) *Herodes natalis sui cœnam fecit Principibus, & tribunis, & primis Galilee, Cœnam tam opiparam struxit illud portentum impietatis, die illo quo fuerat natus, cui melius fuisset, si nunquam natus fuisset in mundo. Cur tu Angelum tuum non invites ad cœnam illam magnam, non quidem, ut ea pascatur, sed ut te videat pascentem? O quanto perfunderis gaudio, dum tibi persuadebis Angelum tuum adsistere huic divino convivio? Præsertim cum ille, quo pasceris, & qui de caelo descendit Panis, sit Panis Angelorum: veriùs enim dixeris de illo cœlesti Pane, quàm de corporali, Poëta:*

*Quando deest panis, tunc est cibus omnis inanis.*

2. DIES

(a) *Mar. 6. 21.*